



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

1

PURIFICATIONIS.

(bl. 29^a) *POSTQUAM impleti sunt dies purgat MARIE etc.*
 Do eruyllet waren die tage daz vnser fröwe. S. MARIE
 solte in kirchen gen. als div e gebot des herren Moysi.
 do namen sie den hailant. vñ brahten in in daz templum.
 Min vil lieben ez waz gewonlich in der alten e. swelh wib
 ein degenkint gebære. daz si sich darbete der kirchen vier-
 zech tage. vñ danah kome in daz templum. vñ opherte ir
 svn mit dem opher. daz in der alten e geboten was. Daz
 was geboten in der alten e. daz man fvr daz degen kint
 ein lamp solte ophern. Div auer so riche niht wære. daz
 sie daz lamp niht mohte gelaisten. div bræhte zwo tvrtel-
 tvben. oder zwo ander tvben. vnser herre kom dvrh daz
 in dise werlte. daz er die e erfvlte. vñ wolt an dem ahto-
 den tage. nach der ivden e besniten werden. vñ an dem
 vierzegosten tage mit sinem opher in dem templo dñi erzai-
 get werden. (29^b) vñ gab vns bilde siner devm̃te. daz er
 dvrch vns arm was worden. dvrh daz wolte er daz man
 fvr in opherte zwo tvrteltvben oder zwo ander tvben. Daz
 opher was der armen. die des lambes niht haben mohten.
 Da mit erzaigete er vns wie rehte g̃t div arm̃t ist. mit
 devm̃te. daz er von einer armen meigde ger̃hte geborn
 werden in einer armen stete. mit bosen t̃schelinen gewin-
 delt werden. in ainer armen krippe geleit werden. der in
 dirre werlte niht hete. da er sin h̃obet geneigete. vil mæ-
 nige itewize er dvrh uns leit. vñ ze aller ivngest gab er
 sin selbes lip dvrh vns ze der marter. Der lere svln wir
 volgen also verre so er vns r̃chet zegebenne. Do der go-
 tes svn also hivte ist braht wart in daz templum dñi. do
 was zeierusalem ein alter man. der was reht vñ geheizen
 Symeon. Do was er gernde daz er den gotes svn e m̃se
 gesehen. e in der tot hin næme. Dem was von gote ge-
 heizen. daz er niemer erstvrbe e er krist gesæhe. Der kom

also hivte in daz templum von des heiligen geistes ordenvnge.
 Des er ie da gerte den enphiench er da. Do nam er daz
 kint (30^a) an sinen arm vñ sprach. *Nunc dimittis et cetera.*
 Herre nv la dinen schalk varn mit fride. Dvrh daz entha-
 betest dv herre mih. in disem lebene daz ich dich gesæhe.
 nv la mich ^{varn} in diseme fride. wan miniv ögen habent ge-
 sehen din hail. Daz ist div hochgezit dises tages. die ir
 mit fröde tylden svlt. iweriv herze tragen mit lobe vñ mit
 devmûte. Mine villieben daz liebt daz da blvhet vz der ker-
 zen. daz bezaichent den heiligen krist gebornen von der
 meigde. Der heilige krist der ist erschinen in der vincer
 ein licht den rehten. Daz wabs bezeichent vnserre fröwen.
 S. MARIEN magetvm. Div pie div daz honik zesæmene
 treit. vñ daz wa^{bs} wurket. div ist iemer maget. vñ wirt öch
 ane hilichiv dink geborn. vz dem honige werdent die pien.
 von div bezaichent daz wabs den rainen magetvm. vñ als
 ir hivte den heiligen krist in dem bilde iwers kerzenlichtes
 traget. also svlt iv hivte in hailant. in iworm herzen wir-
 deklichen tragen. so svlt ir alrerst im ophern die tvrteltv-
 ben. Div tvbe bezaichent die ainvalte. div (30^b) tvrteltvbe
 die kvsge. So grozzer kvsge phliget div tvrteltvbe. so si
 ir gemæchide verlivset. daz si ir niemer mere vf der erde
 deheinez erkivset. noh gesitzet niemer mere vf dehein grê-
 nez zwi. niwan aine flivget ez. vñ ist iemer mere aine.
 von div ophert er die tvben. der sih behaltet vngemæligo-
 ten. vñ niemen schadet. niemen hazzet. Der ophert aver
 die tvrteltvben. der kvsklichen lebet mit siner konen. vñ
 sich behaltet an vberhvr. vñ ob er sine konen verlivset.
 daz er darnach behaltet ^{sich} an allerslahte hvrgelvst. vñ svlt
 daz wizen daz der svndære also wol die tvben ophert sam
 der gûte. Ieweder tvbe phliget wûffennes. niht sanges.
 Daz bezaichent den svndære. der hie in dirre werlte sol
 wûffen vmbe sine svnde. zwaierlahte riwe sint. vñ zwaier-
 slahte bûze. Der offenliche syndet. vñ mit vbeler lere ander
 lvte verbotet. der sol offenlichen bûzen. De aver tügenli-
 chen syndet. vñ der svnde tügenlichen zebibte kvmet. der
 sol tügenlichen bûzen. Div tvrteltvbe phliget aine fliegende
 zewûffenne (31^a) div ander tvbe mit menige. vñ da vnder
 kvmende vñ klagende. von div bezaichent div tvrteltvbe die.

die da tōgenlichen * ir synde bēzent. Div ander tvbe bezai-
 chent die. die da in ir offener bēze schinent. Mine villieben
 die zwene voege. sint ein bilde iwers lebennes. wan ir
 der bēche niht kynnēt. an den vogelen svlt ir sehen. waz
 iv zetvne ^{si}. Mines trehtines geschephede. sint iv niht
^{geben} aingenote zedem ezzenne. svnder ze einem bilde. An
 disen zwain vogelen vindet der gūte waz er ævern sol.
 vindet der svndære waz er tūn sol. Noch ist vns div tvbe
 zebilde gesetzet. daz si an ir hat siben groze tvgende. Si
 hat der gallen niht. si ennizet deheines botiches niht. noch
 enkaines wurmes. Si fēret sich mit dem samen. div besten
 korn welt si. div bosten verwidert si. Ir sanges phlēget si
 niwvan kvmende vñ wūffende. Si zivhet ōch vil emzige fremē-
 div ivngide. Si lit gerne bi dem wazzer. daz si den schate
 gesehen mege. swenne si der habeche vāhen wil. In den
 stainen oder (31^b) in den holn machet si ir nest. An den
 siben tvgenden svlt ir ir nahvolgen. in iworm herzen sol
 dehain galle des nides wesen. Dehain laster ist wirser denne
 der nit. Daz ander bizaichen ist daz si der wurme noh der
 kevere niht izzet. also sol der mennisk tūn. er sol niht
 der totlichen werche minnen. Die botiche sint vnsere synde.
 die wurme vnsere bōsez gewizzen. Dehain mennisk getorste
 komen vnder die lyte wessen si an ime daz sin gewizzen
 an im waiz. Sēlich ist der. der die synde vermidet. wan
 er ist schalk als mēniges herren. sam mēniger svnden.
 Div tvbe wirt ōch gefēret mit dem korne. vñ welt ir div
 besten korn. Also sol der gūte gefēret werden mit den go-
 tes Worten. Also sprichet vnsere herre. *Non in solo pane*
vivit homo set in omni verbo dei. Er sprichet. Niht eine
 lebet der mennisk des brotes. svnder von dem gotes worte.
 Der mennisk ist sel vñ lip. Der lip bedarf des liplichen ez-
 zens. div sele des gaistlichen. wir sin in disem ellende. vñ
 be- (32^a) dvrfen gūter phrūnde. ze vnsere hineverte. der
 phrūnde biten wir alle tage. an dem fronē gebet. *Panem*
nostrum cotidianum da nobis hodie. Herre gib vns vnsere
 tēgēlich brot. Also kynte vnsere herre in dem evvangelio.
Si dimiserō eos ieiunos deficient in uia. Laze ih si vastende

* in der hs. steht tēge^vlichen.

so gebristet in an dem wege. Swenne dem svndære gebri-
 stet an dem gotes worte. so ist im gebrosten an dem wege.
 Div tvbe zivhet ðch fremediv ivngide. da ist vns mite be-
 zaichent daz wir barmherze svln sin. Als S. Gregorius sprichet. *Omni petenti te tribue.* Allen den gip die diu biten.
 vñ krist sprichet. *Estote misericordes. sicut et pater meus est.* Weset barmherze. als iwer vater in dem himele. von
 div svlt ir die fremedem minnen. dvrh got vns(ern) herren
 vñ iweren næhesten als ivch selben. Div vunte tvgent der
 tvben ist. daz si gerne vert bi dem wazzere. daz si sich
 von dem schaten vor dem habeche kenne behvten. so er z^o
 vare. Daz bilde svln wir gerne behalten. Wir haben laider
 ainen gaistlichen viant. fliegenden in den lvften. der iendiv
 svchet wa er (32^b) den vinde. den er verslinde. der enist
 niht alzoges vnder vns. vñ ist ðch niht von vns. wære er
 ientiv vf der erde. sone mohte lutzeln iemen vor im gene-
 sen. er wonet in den lvften. dannan sint die tievele genant.
aeree potestates. lustekliche gewalte. von div daz wir sin
 niht gesehen megen. deste vorhtlicher ist er. Sinen schaten
 svln ^{wir} schouwen an dem wazzere. daz ist daz wir an der
 heiligen schrift lernen svln wie wir vns vor siner bekorvunge
 behalten. Swenne vns vbele gedanche mvgen so svln wir
 ze den gvten keren. wir svln wvffen ðch als div tvbe tvt.
 svln vnser frvnde in die zæhere keren. daz vns gegeben
 werde daz lon. daz vnser herre hat vns gehaizzen. *Beati qui
 nunc fletis. quia ridebitis.* Sælich sint die. sprichet vnser
 herre. div nv wainent. die werdent hernach in minem riche
 gefrvt. Mit den zæheren vertiligote. S. Marie magdalene
 alle ir svnde. S. Peter. garnete da mite antlaz der svnde
 daz er kristes (33^a) verlögende. Nv bewainet ivch selben.
 vñ ander svndære. daz ivch vñ vns vñ alle svndære got rv-
 che zebekerenne. Div sibende tvgent der tvben ist. daz si
 in den holn stainen. oder in den lochern ir nest machet.
 Der stain der kristenheite ist der heilige krist an den nie-
 men niht gvtes getvnen mak. Daz ander hol ist div offene
 site des heiligen kristes. vz der ran blvt vñ wazzere. Mit
 dem blvte erlost er vns. mit dem wazzere wurden wir ge-
 töffet. Min vil lieben an den sibem bizaichenvngen nachvol-
 gen wir den tvben. vñ opheren also die tvben in dem templo

vnser herren. daz si da in der alten e. vns zebilde taten. daz wir daz gaistlichen ervullen mēzen. vñ biten vil inneklichen vnser trvt frōwen. S. **MARIEN** div ein tor des himelriches ist. vñ vnser armen trost ist. daz si vns hivte ir synes hvlde erwerve. den si da hivte ze kirchen brahte vñ vns sinen fride erwerve. des sich der alte symeon r̃vnte da er sprach. *Nunc dimittis etc.* Herre nv lastv mih varn mit fride. wan miniv ōgen hant (33^b) gesehen daz hail aller diet. Daz hail vñ den waren fride r̃vche vns hivte geben Jhesus x̃pc. *Qui viuit et regnat.*

2

ASSUMPTIONIS MARIE.

(bl. 88^b) **W**ir begen hiute daz unser urowe sante **MARIE**. div heilige mōter unsers herren. uon dirre werlde sciet. ze der elliv werlt trost uñ zōuersiht hāt. wande si min trehtin erwelte. under andern wīben. uon der er geborn wolde werden. Si ist ein grozzer trōst aller sundigen l̃vte! zeder gnade wir uliehen sculn. so wir mit unseren sunden gotes* uliesen! Si ist uon der elliv gnade uns zerst bechom uñ elliv salechēit. Si ist div heilige mōter. uñ div heilige maget. kune- (89^a) gin uñ urowe des himelriches. uon der uns daz euuīge licht erscinen ist. da von elliv disiv werlt erlūhtet ist! daz ist got selber! zō der sculn wir uliehen. der sculn wir unser nōt uñ unser angest clagen. uñ sculn si zeboten senden zō ir heiligen trūt sune. der ir nith des verzihet. des si in inneclichen gebitet. Uon div scōchet ir genāde. beuelhet ire alle iwer sache. beuelhet ire ivch selben mit lībe uñ mit sēle! uñ bitet si inneclichen daz ir des himelriches iht uerstozzen werdet. Ir scult uil dicche denken vmbe dise werlt wie churz si ist. wie ungewis si ist! uñ wie lancstāte daz ist. daz da nimmer zergēt. dane uindet niemen neheine gnade. erne habe ez hie garnet in dirre werlt! uon div manen wir ivch durc iwer selbes sælecheit! daz ir etwaz hin uure sendet. dannen ir getrostet werdet. an iwerme ende! so ir allez daz (89^b) lazzen mōz-

* fehlt hulde.

zet. daz ir in dirre werlt iê zesamene brâhtet. so lat ir wib uñ kint. eigen uñ lêhen. hûs uñ hof. desne uolget iv niht. wan ob ir iht gôtes da mite habet getan. Nu bitet hiute den almahtigen got durc sîner trût môter willen! der er niht uerzihen mac! daz er ivch wise uñ leitte. zesînen genaden. uñ daz er in iwer herze sende! daz ir sîne hulde erweruen môzzet. uñ daz er iv chome zehelfe uñ zetroste. an sêle uñ an libe. *Quod ipse p.* Der heiligen môter des almahtigen gotes. der sît ir hiute beuolhen. daz si ivch bescirme uñ beware uon alleme ubele Amen. Nu beuelhet ivch uil dicche sande **MARIEN!** uñ sôchet ire genade. chlaget ir iwer nôt! sendet sî zeboten zô unserme herren daz er iv genædic si. Gebet iwer almôsen dicche durch ir êre. uñ namlichen hiute ein îegelich mensesce einez. (90^a) in ir êre! daz im der almahtige gebe sîne genâde. unde behalt iv lib uñ sele. Amen.

3.

(SERMO IN NATALI MARIAE.)

(*Q*)*vando nata est uirgo sanctissima t̃c illuminatus est m. s. b. et s. et b. fructus eius.* Hiute ist uns chomen. min uil lieben! der uil heilige tac! an dem geborn wart div aller hereste maget. div iê wart. oder inner wirt! div gotes môter. unser frôwe. **S. MARIA.** uon deme aller hersten chunne. **S. dauidis.** uon ir geburt sprach der heilige spriritus sanctus. durc den munt des herren dauidis. *Audi filia et u. et in. a. t.* Er sprach uernim mich min tochter! uñ sich. neige din ôre her ze mir. wan der oberoste chunec gert din antluzze zescôwenne. Von der geburt wissagete sin sun der herre salemon! *O quam pulchra est c. g. cum claritate!* Owî sprach er. wie scone ist div chûsce geburt! mit der berhte! waz sint div wort. daz sint div wir. ê. sprachen. (90^b) *Quando nata est uirgo s. etc.* Div heilige scrift sprichet! do geborn wart div allerheiligste maget. **S. MARIA!** do wart erluteret disiv werlt! ein saligiv slaht! ein heiligiv wrz! ein gese-

* diese predigt folgt ohne überschrift unmittelbar auf die vorhergehende.

genotz wöcher ir bûches. Uon ire slahte! wellen wir iv churzlichen sagen! Sande MARIEN uater der was burtic uon nazareth. unde hiez ioachim! ir mōter uon betlehem. uñ hiez anna. die zwo stete het unser herre ime selben erwelt! betlehem zō siner geburt. Nazareth ze siner zuhte! Ir geslæ(h)te hōb sich uon dem getriwen abrahāme. dem got lange uor siner geburt gehiez. daz uon sinne samen chome heil! uñ segen aller diete. uñ wart geborn uon sante dauidis geslæhte. den got grozze in dirre werlt erte! den er welte uon den scāfen. zeeineme chuneger! uber allez sīn ge- (91^a) slæhte in ierusalem! uber div zwelf geslæhte des herren iacōbes. den erte wol unser herre. daz er uon sīnen afterchomen geborn ist. den lobete got selber! *Inueni daut secundum cor meum*. Ich han sprach er ze den iuden! mir erwelt einen man nach min selbes herzen! dannan was michel reht! div den obersten chunec uñ aller sēle biscof geborn solde! daz div anegege hete uon kunegen uñ uon biscouen! Unser herre der durc die suntære in dise werlt rōhte zechommenne! der rōhte ōch uon sundigen uorderen geborn werden! Also div lilie. uñ div rōse uz den dornen blōt! same wart div unser rōse. S. MARIA. uon den iuden geborn. daz si reiniv uñ sconiv gebære den. der von ime selben sprach. *Ego sum flos campi et lilium conuallium*. Er sprach. ich bin ein blōme des ueldes. uñ ein lilie der teler. Daz uelt. ist div ungerōrte erde. div ungeuorhte erde. div ganze erde! (91^b) div unberōrte erde ist unser urowe S. MARIA. div blōme div da uz gerunnen ist. daz ist der heilige christ. uñ ein lilie der teler. daz sint die deumōte ire uorderen. Von der geburt unser urōwen wissagete der heilige s. Ysaías. *Egredietur uirga de radice iesse et flos de. e. asc.* Er sprach. ein gerte entspringet. uz der wrz iesse. uñ ein blōme wahset uz der wrz iesse. als uns div bōch sagent. der was uater s. dauidis. uon des geslæhte div maget s. MARIA. wart geborn. als der scuzzelinc uor sich scuzzet. vñ sich niht chumbet. als wōhs. S. MARIA. uñ sich mit gōten werchen. niht eine genote wissagete Ysaías uon der gerte uñ uon ir blōde! sunder erzeiete unser herre mit grozzeme wnder eine bizaichenunge in dem zīte. s. moysi. uon der herren gerte. uñ uon ir wōchere. Do got die inden.

uz egepto loste. done heten si niht ewarten. do gebot got mo- (92^a) ysî ire leittære. daz er uon iegelichem geslachte der zwelf sune Jacôbes. eine gerte næme. uñ si leite in ire bethûs. der zwelf gerte was einiv des herren aaronis. uñ sin- nes geslächtes. do des morgenes do man die gerte scôwete! do hetc (div) dyrrre gerte aarones. este lazzen uñ blöte! unde hete nuzze gewnnen. Div gerte bezeichent. S. **MARIAM**. div ê durre was. wan si trût urôwe âne was alles sundeclichen saffes. uñ ân alle hîliche gelust. div selbe gerte brahte wôcher. den heiligen chirst. zetroste dirre werlde! si ist div urowe. der geslachte man hiute zelt als wît so div christenheit ist. div ein aneenge hete uon den heren patriarchen! geborn wart uon den gewaltigen chunegen. gehundet wart uon dem heiligen engele. uñ als div edele gimme scînet uzzer golde! same ubertrifet si alle ire uorderen. *Hec predices* (92^b) *quocumque festo beate MARIE uelis!* Si ist genamet **MARIA**. daz chût. *maris stella*. Daz wort **MARIA**. sprichet rehte. ein mersterne. die an dem mere uarent. die mōzzen sich rihten nach dem meresternen. die uon himele scînent. daz si nach ire marche zestade chomen mugen. also mōzzen alle die tōn. die zedem himelriche. uñ zō dem stade. der ewigen urôde chomen wel- lent. die sculn den sternnen. unser urowen. S. **MARIAM**. anesehen. uñ sculn sich rihten nach ir lebenne. so beleittet si trût urowe ir sêle zō ir sunes zeswen. Si heizzet ôch *stella matutina*. daz chût morgensterne. Ir wizzet uil wol lieben! als uerre so der tagesterne der wider morgen âf gêt. lûhtet uor anderen sternnen! uñ berhteler ist uon (l. uor) in allen! same ist unser urowe. berhteler. uñ herer. danne alle heiligen! uñ uon rehte. si ist. daz nieman uor ire (93^a) wart. noch nach ire nimmer wirt! maget nach siner geburt eweclichen. zō ire sint ôch geladet die meide. die ire magetōm behaltent! uñ alle die chûsclichen lebent. Div kûsce ist driualtec. Ein chûsce ist! die gehîte lûte under ein ander habent. daz si sich behaltent. daz ir dewerez daz ander uber huget. uñ doch ein ander niht enphlegent! wan geistlichen durch wôchers willen. Div ander chûsce ist div magetliche kûsce. div neheiner werltlichen ge- lust nith erchennet. die werdent gelich den engelen. lûter uñ reine. uor gotes ôgen! Div dritte chûsce ist genamet. witewen kûsce. Swer der ist. die verwitewet werdent. ez si man oder

wîb. oder die sîs mit grozzeme høre lebent. ûn becherent sich des. ûn uerzîhent sich da nach. aller hîlicher dinge. ûn lebent after des geistlichen! (93^b) die werdent âne zwiuel gote uil gename. wande er selbe sprach. *Non ueni vocare. i. set. p.* Er sprach. ich bin her chomen. zaladenne niht die gôten sun- der die suntære. Wie groz div urôde ôch daz himele sî. daz sprach er selbe. *Gaudium est angelis dei! super uno peccatore. p. a. quam super nonaginta nouem iustis qui non indigent penit'*. Er sprach zesînen iungeren! ich sage îv daz meroriv urôde ist. den gotes engelen! da sich der suntære be- cheret. denne uber niun ûn niuzeck rehter. die der riwe nîth bedurfen! S. Anna div behielt sich chûslichen! nach ir man- nes tôde. div ist mit gote. S. Maria magdalena. S. pelaia. S. Maria egiptiaca. nach uil mangeme høre. unde uil mangel grozzen sunden wrden si gote uil lieb. als wol scîn ist wor- den. do si sich becherten. ûn danach chûsclichen lebeten! von div (94^a) alle die sich in elicheme hirate uon uberhøre behal- tent. oder nach dem scanteclicheme høre kûslichen lebent. oder uon chindes peine ire magetôm behaltent. die choment alle zedergagene unser trût urowen. Die auer weder chone- liche. noch witewelichen! noch magetlichen ire kûsce behal- tent! noch deumôt. an in habent! als unser trût urowe hete! die werdent leider gebunden. als der wîssage sprichet. ûn werdent geuôrt. in die ewigen uancnusse. dannen si nimmer leider werdent erlost! Vmbe so getan angst ûn nôt! scol sich ein iegelich wîb. ûn man flîzzen. daz er uunden werde. in der drier scare etelicher! als wir îv è zalten. daz ivch denne bescirme. div oberoste maget. sancta MARIA. Div barmherze unser trût frowen. bescirmet die dri ordenunge! die êlichen wol lebent! vnde die (94^b) verwitewet kûslichen lebent! ûn die ir magetôm behaltent! Die denne belibent mit høre ûn da- rân uunden werdent! den hilfet si nihtes! den gît ôch ir sun unser herre nimmer neheine genâde! Die auer zeriwe cho- ment. den recchet si ire sôzze hant! so uon rehte ein môtêr aller gnaden! als wir lesen uon einem vicetôme*. der durc trôbesal gotes uerlôgenote! ûn deme leidigen tieuele zehantue- ste einen brief screib. Do in do sine unde ruwen! do sôht er

* hier ist Theophilus gemeint.

gnād mit grozzer bözze! ze der obersten chuneginne. S. MARIEN. do uernam si genadeclichen sin gebêt. uñ brähte in zire sunes hulden. si nam dem tieuele den brief. vñ erlost in uon der bitteren helle! Same têt si trût urowe. S. Marien egiptiace. div mit uil unzallichen sunden bewollen was. do si ire gnåde söhte. do half si ire zire sunes hulde! daz si! div ê ein (95^a) suntære was. wegen mac. So genædic ist unser urowe. S. MARIA. div gotes mōter! daz wir sicherlichen zō ire uliehen mugen. uon unserme unrehte zō dem waren stade aller sælde. Von div mine uil lieben! emzeget iwer chirechenge! iwer gebete. iwer almōsen! unde ander götiv werch! wendet unde beuelhet urō uñ spâte. iwer lib. unde iwer sêle! unserer trût urowen. S. MARIEN. daz si iv wegende si. an deme norhtlichen urtaile ir trût sunes! uñ bitet sî uil inneclichen. daz si uns helfe. daz wir an dem rechten werden uunden. uñ sî gesehen mōzzen in dem ewigen rîche! mit ire trût sune. unserme herren! der uon ire rōhte geborn werden! durc daz heil der suntære. *Quod ipse. p. d.*

GOTTHICA MINORA.

Mit dem jahre 1840 hat sich der schacht für gothische ausbeute, der sich seit 1569 und 1817 aufgethan hatte¹⁾, wie es scheint, auf längere zeit geschlossen.

Desto größer wird die sehnsucht, die vielen verschiedenen lücken der gothischen bibelübersetzung auch nur des neuen bundes für die historische deutsche grammatik zu füllen, um so größer, wenn sich herausstellt, dafs 1569 und um 1599 der silberne codex noch mehr enthalten haben müfse, als uns 1665 (durch Franz Junius) zu theil wird. jedes in solcher beziehung wiedergefundene körnlein ist goldes werth. hat uns doch jüngst allein schon die genauere kunde über das leben Ulfilas (des ersten apostels und bibelübersetzers der Deutschen) aus dem fünften jahrhundert mit hoher freude erfüllt²; wie viel mehr jeder neue wortklang der gothischen sprache selber.

1. man vergl. bairische annalen 1834 n° 121. 124. 127. Münchener gelehrte anzeigen 1836 n° 173—176. 187—192. 217—219. ebend. 1840 n° 145—147. 154—158.

2. G. Waitz, über das leben und die lehre des Ulfila. Hannover,